



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Directorivm Inqvisitorvm F. Nicolai Eymerici Ordinis Prædicatorum**

**Nicolaus <Eymericus>**

**Venetiis, 1607**

Pivs Papa V.

**urn:nbn:de:hbz:466:1-13589**

*Bulla Santissimi D. N. D. Pij diuina prouidentia Papa Quinti Super reseruatione beneficiorum propter hæresim vacantium.*

*Vniuersa beneficia cuiuscunq; generis fuerint, vbiq; propter crimen hæresis à beneficiariis commissum vacauerint, ordinationi & dispensationi sedis Apostolicę reseruatur. In nullis vero impetrationibus beneficiorum quocunq; modo habitis aut qualificatis cõprehenduntur beneficia ob crimen hæresis vacantia aut vacatura, nisi in impetrationibus specialis vacationis modus, propter hæresim, expressus fuerit, aut per impetrantem crimen fuerit deductum in iudicium, & super eo fuerit lata sententiã fauorabilis.*

Pius Episcopus seruus seruorum Dei ad perpetuam rei memoriam.

Edita anno Domini 1566.

Ex archiuo Generalis inquisitionis Romanę & Bullario Pij V. impresso Romę.



**M** ex Apostolatus officio nobis (meritis licet imparibus) credito, cura dominici gregis nobis immineat generalis, & exinde teneamur, more vigilis pastoris vigilare, & attentius prouidere, vt ecclesijs, monasterijs, & quibusuis alijs beneficijs ecclesiasticis nunc & pro tempore, propter crimen hæresis, vacantibus, & vacaturis, tales viri eis præficiantur idonei, qui detestandas, ac nefarias hæreses diabolo disseminante contra verã, & orthodoxã fidei puritatem exortas, de agro Domini extirpare, & populos sibi commisso ad catholicã Ecclesiã veritatem reducere, doctrina, verbo, & boni operis exemplo valeant. Præmissorum itaq; consideratione inducti, & alijs ad id suadentibus rationabilibus causis, nonnullis et prædecessorum nostrorum vestigijs inherendo, Motu proprio, non ad alicuius nobis super hoc oblata petitionis instantiam, sed de mera nostra voluntate, & deliberatione omnia & singula beneficia ecclesiastica cum cura, & siue cura, secularia, quæcunq; & qualiacunq; sint, etiam si secularia, canonicatus & præbendæ, dignitates, personatus, administrationes, vel officia in cathedralibus etiam metropolitanis, vel collegiatis, & dignitates ipsæ in cathedralibus etiam Metropolitanis post pontificales maiores, seu collegiatis ecclesijs huiusmodi principales. Regularia vero beneficia huiusmodi monasteria etiam consistorialia, prioratus, præposituras, dignitates etiam conuenticuales, personatus, administrationes, vel officia etiã claustralia: ac hospitalia & præceptoria, & alijs quomodocunq; qualificata fuerint, ordinationi & dispensationi nostrã, & sedis Apostolicę hac perpetuo constitutione valitura, auctoritate Apostolica tenore præsentium reseruamus: Declarantes omnes & quascunq; impetrationes de beneficijs, vt præfertur, quomodocunq; qualificatis, certo modo in futurum faciendas, & obtinendas beneficia huiusmodi propter hæresim vacantia, & in futurum vacatura non comprehendere, nisi specialiter, & dispositiue vacationis modus propter crimen hæresis impressus fuerit, & illum nullo modo sub quibusuis clausulis & decretis comprehendere quantumcunq; generalibus in quibusuis gratijs & concessionibus per nos & Romanos Pontifices successores nostros faciendis, etiam per fiat, signatis & concessis, ac decernentes omnes & quascunq; impetrationes de quibusuis beneficijs, vt præfertur, qualificatis, hætenus factas & obtetas, nisi earum vigore in iudicio per impetrantes crimen huiusmodi deductum fuerit, & super eo sententiã fauorabilem obtinuerint, vel dictorum beneficiorum possessionem assecuti fuerint, ad vacationem huiusmodi propter crimen hæresis se non extendere, & illum neminem comprehendere, sicque per quoscunq; iudices, & commissarios quauis auctoritate fungentes, etiam sanctæ Romanę Ecclesię Cardinales, iudicari & interpretari debere: Irritum quoque & inane si secus per quoscunq; quauis dignitate & auctoritate præditos, iudicatum fuerit, decernimus. Volumus autem quod præsentis litteræ in Cancellaria nostra Apostolica, & Acie Campi Floræ de more publicentur, & inter constitutiones perpetuo valituras describantur. Et quia difficile foret præsentis ad singula quæque loca deferri, volumus & etiã declaramus, quod earum transcriptis etiam impressis, manu alicuius Notarij subscriptis, ac sigillo alicuius prælati munitis, eadem prorsus fides adhibeatur, quæ præsentibus adhiberetur, si forent exhibitę vel ostensę. Nulli ergo omnino hominum liceat hanc paginam nostrę reseruacionis, declarationis, decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius, se noverit incursum. Datum Romę apud S. Petrum, anno Incarnationis Dominicę. 1566. Sexto Calen. Febr. Pontificatus nostri anno secundo.

Visa de curia Io. Rouetius R.  
Registrata apud Cæsarem secretarium.

Gæ. Glorierius.  
H. Cumyn.

Locus † sigilli plumbei.

Anno à Natiuitate Domini M. D. LXXII. Indictione decima, Pont. S. in Christo patris, & D. N. D. Pij, diuina prouidentia Papa V. Anno secundo, die vero xvij. mensis Februarij. Retroscripserunt litterę affixæ & publicatę fuerunt ad Valuas Cancellarię Apostolicę, ac in Acie Campi Floræ, per nos Antonium Clerici, & Ioan. Andream Rõgerium prædicti S. D. N. Papę Cursores.

Scipio de Octavianis Mag. Cur.  
PIVS